



UNIVERSITÄTS-
BIBLIOTHEK
PADERBORN

**COLLATIO-||NVM SACRARVM|| LIBRI VIII.|| Tilmanni
Bredenbachij S. Th. D.||**

Bredenbach, Tilmann

Coloniae Agrippinae, 1592

VD16 B 7378

21. Quomodo S. Guduuilus aßiduè sacrifici[um] Missæ obtulerit, &
sacrific[an]ti Angeli apparuerint.

[urn:nbn:de:hbz:466:1-65002](https://nbn-resolving.org/urn:nbn:de:hbz:466:1-65002)

cienda esse, quæ iubet Episcopus. Christus enim per eum locutus est. Hæc ut audiuit populus circumstans, valde horrui in factum scelus, laudauit Christi iudicia abdita in lucem proferentis, Godefridum Episcopum mirè extulit, exactius deinde iussa eius se facturum affirmavit. Hæc quidem dicta sunt in terrorem eorum, qui spiritualiū patrum iussa contemnere non verentur.

Ex vita S. Guduali Archiepiscopi & Confessionibus ante annos 500. conscripta, quæ habetur apud Laurentium Suriū Tom 3. 6. Iulij, quomodo S. Gudualus assidue sacrificium Missæ obtulerit, & sacrificanti, Angeli apparuerint.

CAP. XXI.

Solebat S. Gudualus Missas assidue celebrare. Quanta autem puritate se tanto ministerio prepararet, diuinitus reuelatum est. Ieiuniis, vigiliis, precibus premissis, cum factus altari virginitatis bysso & charitatis purpureo adstaret indutus, atque ad caelestia suspendia caeli aperti sunt, & visio mirabilis ei exhibitæ est. Descendunt ad eum sancti Angeli, adfuit consolationis gratia sacrificanti, tremenda interfuit mysteriis, vnà cum illo laudes dei promunt Deo, cum ingenti reuerentia. Illi seu splendida lucis columna stat sancta sanctorum tractans, agnum Dei immolans, iunguntur caelestia terrenis, terrena caelestibus mortalibus immortales: pro tanta gratia, diuinitus

LIBER I.

¶

ninitus mortalibus collata, immortales gratulantur.

Niceph. Calistus Ecclesiast. histor. lib. 17. cap. 25. de puero Iudæo, qui cum reliquias Eucharistiæ percipisset, mirificè in igneo & candenti furno saluus conseruatus est.

CAP. XXII.

ANthimo Episcopali throno in vrbe Imperiali deiecto, & Mena pro ipso ab Agathone Papa electo, atque consecrato, miraculum quoddam Constantinopoli, dignū quod memoretur, accidit. Consuetudo à multo tempore Imperanti vrbi fuit, vt cū plusculum de partibus immaculati diuiniq̄ue corporis Domini, & Dei & seruatoris nostri IESV Christi reliquum esset, sacerdotes pueros in corruptos, ex eis qui ad præceptores in ludum literarium eunt, accerferent, qui ieiunij reliquias eas ederent. Quod quidem mihi quoq; sæpenumero, quum puer admodum essem, & maximè prima ætate in sacris adibus versari studio haberem, contigit. Tale quiddam sub Mena quoque Patriarcha euenit. Cum pueris ad id delectis, puer quoque viri religione Iudæi, vitro conficiendo, vitam tolerantis aggregatus est. Puer is, vbi diutius ultra solitam horam moratus, domum venit, & causam tardioris reditus parentibus diligentius cum inquirentibus, quod scilicet cum aliis pueris in æde sacra diuinas partes edisset, renunciauit.

C 3 Patet